

كاتيبا بينا ياهي زيندولا أو هوسو زي هاكي زاكي أنكيبا، نا زاكي مجتمعا ، ني زاكي
تمادوني

أو كوباليوا أوتريلوا مهون، نا أوصاهيهيشوا نا أوفاهاروا ني ليبارازا كوو لاهي
جمعية يا مادوولا هاريموالي أعازيميو لا 2200 A (XXI) لاهي مويز كومي نا
سيتي وا ديسمبر مواها شيهوي نا مجانا شندا نام نغو ميرندارو نا سيتى.

لي نجيا نزياني ي مويزي نترارو يا جنفي مواها شيهوي نا مجانا شندا نا مينغو
مفوكاري نا سيتى.

مقدمة:

زي داوولا زا كوبالي أو مكاتابا أونو

ها أو كينيشا أوكا:

ها أوستيهي زي أعازيما زا تيكيليزيووا هاريموا ليكاتيبا مشندزي لاهي جمعية يا
مادولا

ها أو كوبالي ي ما ستيهي ياهو أونترو وا هاينا موانادامو نو أوساوى جموا زي
هاكي زا واجيبوا إيكوا ايز ندو مشندزي واهو أوهوريا، نو ويزاني وهاكي، ني
أماني ياهي دونيا.

ها أو كوبالي أوكايا زي هاكي زينو زي زاليهانا هو مفامو واهو أونترو واهينا
موانادامو.

ها أو كوبالي فامويجا ني مي أعازيميو لا دونيا لاهي زيهافي زاكي بناداموا، أوكا
يفاليكي نكو يا موانادامو هوري، يابوكانا نا أوهارا واهو أوسيكيني سيكي، كاينا
أوباريهانا إيستو مباكا هاينا مترو نغينا هالي زا ماعيشا زا أورو هوسو ني وي هاكي
زكي أنكيبا، زاكي مجتمعة نا أوتمدوني فامويجا نو مباريهانو واهي زي هاكي زاكي
ما عيشا نا سياسا.

ها وكينيشا أوكايا ليكاتيبا مشندزي لاهي ي جمعية يا مادوولا لي لازيميشا ماستيحي

يا كويلي يا هي زيهافي ني زي نيهوريا زا كي بينادامو.

ها اوفيميسا اوكايا هاينا مترو نغينا واجيبوا زا اوتيكيلازا اوسوني موي موانانا نا اوسوني موا و مجتمعة وا هاهي ها اوكازانا ياتري انفو نا اوستيحي زي هافي زا كواليهانا هاريموا لي كاتيبا لينو.

وا وفيكيانا هاريموا زي فصل زا دونغازينو

جزء يا هند

فصل يا هند (1)

1- هاينا وانتر و تغونا يهافي يا اوجيتساوليا يزيليو موافاكا ناو. هوليهو ندي هافي اينو، نغواجو اوجووا اوتسونخوا ها اوناواسي ي هالي يا مكايو واكي سياسا نا اوتساووا ها اوناواسي ي هالي لي تومو لافي انكيبا، نا نو مكايو واكي ما عيشا نا اوتماونو.

2- ها اوكاميليشا زي عازيما زا هاو هاينا وانتر و نغواجو اوجووا اوتامالاكي هونافاسي او تاجيري واهو نا ني معديني ميشندزي، فاتسينا اوظولومو زي واجيبوا زا لاوانا نو مشيريكيانو واكي انكيبا واهو ني زي داوولا زا دونيا، زا كاعانتسي هاروموا نغزو ياهي زي فايدا زا هاينا داوولا ني ميشندزي ياهي زي حكما زا كي دنيا زا ما دوولا. هاينا هالي يونتسي كفاتسي امتي اوجو جوا اوفوهوا ي زانا وا اوتسونغيزا اومعيشي واهو.

3- ي زي داوولا زا هوسولوا نو مكاتبا اونو، فامويجا ني زي داوولا ظمانا زاهي زينتسي زيتسو هوريا ني زي ارض زي لو جوموا اوفيريليزي وا دوولا زينترواجي، اي لازيمو وساهيليشي ومتيكيلازو واهي زي هافي زاهي زي اومتي زا اوجيكايا نا اوستيحي يهافي ايو، ها اودونغا ي ميشندزي ياهي لي انزيميو ميشندزي لاهي جمعية يا مادولا.

جزء يا فيلي

فصل يافيلي (2)

1- هاينا دولا يا هوسولوا نو مكاتبا أونو نغيرنغاو عهد يا أوسايديا و متيكيرو زي هاكي زاكوباليوا هاريموا لي كاتيبا لينو هي زي جيهة زونتسي، هوسوسان ها ندزيا زا أوفوتي شريعة، ريكا نديو ويتشي هاو ها أوتسنغانها نا داوولا زنترواجي، خصوصا هوباندي وكي أنكيبا نا صنعا زا كي تكنيكي، ها أروميا زي نتشيدا إيلو نيزو، ها أورو هوسو ومتريو ندياني ها مبافي ها مبافي زي هاكي زا ذكورولوا فانو.

2- زي داوولا زا هوسوزا ني لي كاتيبا لينوا نغازيجيتولياو إيلي أوظاميني أوكا زي هاكي زا فوبوزا هاريمو لو نغازيجو أوتيكليزيوا فاتسينا أوبانغوزي أوتسوكا ونتسي وكي كابيللا، رانغي، موانا مشي هاو مومي، لغة، ديني فكيرا زا سياسا هاو فكيرا زنترواجي، فاتسينا أوبانغوزي و مزاليهانو هاريموا دوولا فولاني، هاو بولاسي فولاني يامترو هاريموا أو مجتمعة، أوتاجيري، مزاليهانو هاو نترونغو زينترواجي.

3- زي نتسي زيلو ندياني زا ماندليلو، هاو تريا ويزانيني زي هاكي زاكي بينادامو ني أنكيبا يا هازو، انغازيجو أوجوا زي بانغي ينامنا يا أوظاميني زي هاكي زاكي أنكيبا زا كوباليوا ني لي كاتيبا لينو.

فصل يارارو (3)

ي زي داوولا زا باسيوا ني لي كاتبا لينو نغازي جيتولياو إيلي ظاميني وأوساوي و هاكي ومترومشي نا مترومي هاريموا زي هاكي بيا زاكي أنكيبا نا مجتمعة نا أوتامادوني هما نديهالي زاتيكليزيوا ني لي كاتيبا لينو.

فصل ياني (4)

زي داوولا زا باسيوا ني لي كاتبا لينو زيك وبالي أوكايا كازينا أوتريا باهو هاريمو زيهافي زا ظامينيوا ني داو ولا يتسو باهو لافي شريعة ها أوستيحي أومويليانو واهي زي هاكي إيز نو مكابو نترو جيمللا هاريموا داوولا يافي ديمقراسي.

فصل ياتسانو (5)

1- کفانتسي روهوسا يا داوولا هاو اېکوندي شا وانترو هاو مترو يتسوکاو اونتسي ولونا فرصة يا هوانداليا زيترنيدوا زاو رانغانا هاکي هاو اونافاسيا زاکوباليوا ني لي کاتييا لينو ويلو هاو مترو اوزيبايا مفايا ها تفسير يتسو دي يالازيمو.

2- کايجا وافیکیوا او مکازيوا کارو واهي زي هاکي مشتدزي زاکي بيندامو زا هيسا زانجيا نزياني هاريمو هينا نتسي هاو تينغيميا ترتيبو زاکي شريعة، موافيکیانو، هاو ميلا ها فسيري ياوکايا کازيجا اندزيهوا هاريموا لي کاتييا لينو هاو کازيجا فينوزا هالي يا اوتوشا.

جزء یرارو

فصل يا سیت (6)

1- زي داوولا زاجيفونغانسانا نیلي کاتييا لينو ايبیدی زي ستیحي يکي هازي، هاينا مترو يافني هازي ياجو اويريضوا نیو هاو تومایني ي کوتسي يجو اوروليا وو حیاتي واهاهي. زي هاتووا وا اودافعي يهاکي اینو نغيزو واجیبوا هو جوموا مونا شاما.

2- زي هاتو وا زا اودافعي ها کویلي يهاکي يا هازي ایلازيمو زي دونغاني نا جتهادي زا هو علميشا او مسومو وا فاني نا هوانداليا برنامج زيجو اوفاليکي ماندیلیو يا انکیبا سياسا ماعيشا نا اوتما دوني.

3- ندو اوجادیديشا واجاو هازي زا اوزيماميزا لو تومو نا اوتسينغا مشيندزي يجو اوفاما زي نافاسي موهيمو زا سياسا نا انکیبا.

فصل يا فوکاري (7)

زي نداوولا ونا شاما واهي لي کاتييا لينو، نغازي هو تاجيضاو زيفامي ي هاکي يا هينا مترو يا اوکانا مشارطي ميما يا هازي خصوصا.

1- هاينا مترو وا هازي ياهونتراني نا ملیفو

- مشاهاري ولينغانا، نا ماليفو يجيبوو ي هازي يامترو فاتسينا اوتنغوزي اصلان ياهوسو او وانترو واشي، وانوا وباسيوا وكوسوديوا نامنا يا اوفانا هازي زي تسوجوكا متسيني ني زاهو و نترواومي. وومشاهارا اوتسيكاي تفاوت، اوكاي ويزاني مزيما ني هازي.

- معيشي واستارا وهاهو او و نترو واشي ني زي جمعا زا هاو هما ني هيلي زواكينيشيوا ني لي كاتيبا لينو.

2- نغي لازيمو هيفاظنا اوراهافو هاريمو زي هازي

3- ندي بهاتي يهو وانترو بيا ياو هيزيوا مكامو يا هازي فاتسينا شرطي يكا تسندو وينجي واماها يهازي نو اوجوزي.

4- اوو فومزي، زي يشرية، ي هازي يكاني مودا واكي بينادامو، ني ماليفو ياهي ي فيتني ني زي كونجي يا باريهاني.

فصل ياناني (8)

1- زي داوولا وناشاما وهي ليكاتيبا لينو نغورينغاو عهدي يوندافع زيهافي زينو:

- يهاكي يامترو اوجونغانا نا و نترو هاو جيميزا مازاما يايكي نترو هازي. يمتروا هازي نغينا هاكي ياجيي هاريموا ي شاما يندزو ايلي اووانيا زي فايدا زا هاهي زاكي انكيبا، نا ماعيشا.

- يي هاكي اينو يو اوجوا هو اهيري شيوا هاريمو طايفا لايكي ديمفراطي يكا يي احيفاظي، اوترو ليفو واهي ينتسي زيهافي نو اونا فاسيا نغيزو ايفيليلي جو.

- يهاكي ايلو ني مازاما يايكي وانتروا هازي يا اوجيميزا ميكونتسي نا مارينغوي يايكي طايفا، نا ني فرصة يا اوهانتسي نا اوشيركيانا نا مازاما يايكي نترو هازي ها دراج يا دنيا.

- يمازاما يانو نغايونا يهاكي يا اوتيكي ليلا زي ظمانا زاهو بيلا اوترينيوا باهو

ليتسوڪا لونتسي ني ماباهو ياکي شريعة ها مضمون يا اوهوي وواوتروليفو، زي هاڪي ي نو اوهوريا وا هاينا مترو.

- يهاڪي يامزيو هازي ايلازيمو يدونغي زي شريعة زا هينا نتسي

2- يفصل اينو نغاي روهوسيو او مزليليو واڪي شريعة وا سنديڪا زاهي بوليسي، جيش ني ايدارا ياهي هازي زا سرڪالي هو اوروميا يفرصة يا غريفو.

4- ي زيداوولا زا وافيڪي لي انزيميو لاهي لي شاما لاهي زي هازي (OIT) لاهو 1948 ڪازيتسينا روهوسا يا اورواريا وي نافاسي زاڪي سينديڪا ني حيفاظي يهازونا اوزيروميليا شريعة شا اوزي ڪداميزا ني زي هاڪي زانڪوروزا ني لي ڪاتيبا لينو.

فصل ياشيندا (9)

زي داوولا زا وافيڪي لي ڪاتيبا لينو زيڪ وبالي اورينغيا جوڪومو او مڪايو نٿرو وا هاينا مترو ها درج ياهي لي صندوق لا مالي لا اوروميليا او مڪايو نٿرو اونو.

فصل يا ڪومي: (10)

زي داوولا زا باسيوا ني لي ڪاتيبا لينو زي ڪو بالي:

1- اومحيفاظي نا هو هيميليا لي داهو يڪاو ندو نغوزو ياهي لي طايفا ها اوليبانغ نا اوسوميسا او مودا بيا لي داهو لينو ليجو ڪايا مابينغا ياهو متندو نو وليزي واهو وانا اوليو هونتسيني موي زي ظامانا زاه الو. ي ندوولا نغاي هوتاجياو ي اولوولو ني اولوزا وارذياني فاتسينا اورنتنزوا نفو.

2- حيفاظي مخصوص نا اوتوندي نغيلازيميو زيڪوسوڊيو ووانٿرو واشي وا اوزايا هاريمو مودا واستحقيقي قبليا نا بعديا او زايا.

3- اوو وازازي وا فناو هازي ايلازيمو وا هونٿري اوفومزي اوجو اوليفوا هاو اوفومزي اوجو اودونغانا ني زي شرطي زاهي لي صندوق لا مالي لا اوهاريميا او

معيشي وا هاو.

4- فرصة مخصوص زا أوهيفاظي نا أوسايديا ووانا واتيتي بيا نا نو وابلغي،فاتسينا أوبانغوزي أوتسوكا ونتسي ها ترنيديزا سبابو زامزاليهانو هاو أوندوهوزو.

5- أووانا بيا نو وانا مبالغ نغيلازيميو واحيفاظيو نا أوريندوا زومبو زا أوتومي ها سلاح هاريمو و مجتمعة. 6-يمترو أوجو روما أوانا وانو هاريمو هازي زيغو أوتريا شاك أوبينادامو واهاو، ي صحة واجاو إزورو زينتشيدا زا أوجيكيمو هاريمو ي ماعيشا، لازيما يا هوكوموضي ني زي شريعة. زي داوولا نغيزونا ي ظمانا يا أوجيتمكا أوهوسو أووشاشي وماها يا روهوسيو ني شريعة موانا سكسنا هازي يا مشاهارا.

فصل كومي نا مويجا (11)

1- زي داوولا زا باسيوا ني لي كاتيبا لينو، زيك وبالي هاينا مترو أوكانا درجة يا ماعيشا يا أوجيتوشا نداي ني ليداح لا هاهي رانغو شا هولاً، مفازي، مكايو (نومبا)، أو معيشي هاهي نغيلازيميو إيدوهيندا نا أوباريكي.

2- زي داوولا زينو نغيزونا ي جوكومو يا أودافعي يهاكي إينو هايرو نغازي كوباليو أو مهيمو وا أوترينيا مفوو أو مشيريكيانو ها دراجا يا دنيا.

3- زي داوولا زا باسيوا نو مكاتبا أونو هوليهو نغازي كوباليو يهاكي مشيتدزي با هاينا موانا دامو يا بوكاني ني طاووني يافو زي باسيوا هوتعاريشا ها مشيريكيانو نو أوليمنغو برنامج زنجي أوفاليكي لي تراجيبو لينو.

4- نغيو واجيبو زي داوولا زيجيميزي ترتيبو زا أوباريكيشا لي تومو نو ميشيهو واهالو، ناني لي بوانيسو لا معادن ياليواو ها أروميا نيجوزي مبالي نا مبالي، نا أوتعاربو واكي سياسا. نيو مهيمو فا بنغو معيليمشو ي نمنا يا أوجوا نا أوتسونغوا شا هولاً شيندزا فايدا، نا جوسا لي ديما إيلي هوليكيزا يزي نيعيما

زاهو أولانغا.

5- نغي هوتاجيلو او بوانيسو لاساوى لاهي شاهولا شاهو اوليمنغو اولوانا ني ماهوتاجيو يا هينا نتسي بيشي ي ميهيما يا دنيا كائتسي ميشاشي هاريموا زي نتسي زيه وزا وني زي هولوا ي شاهولا.

فصل ياكومي نابيلي (12)

1- زي داوولا زا باسيوا ني لي كاتيبا لينو زي وافيكى يهاكي يا هينا مترو اوهونترانا نا صحة نجيمما يا انكليي نا زيونغو

2- موينغوني موي زي عزما زا اوتريا ندرزياني ندو اوفانا يكا اينو يفينو هي.

a- هايرو ندو اووانا نو وينجي واهي زي نفاتي خصوصا ندي زاهو ونانيلي واتيتي هاو توندا اومهو نترو واهو.

b- ندو مرغيزو ي دراج ياهو اوراهافو هاريموا ي ميفا يونتسي يا ماعيشا نا يا هازي زاكي لوزي.

c - ندو اوكاليليا نا اوزيهيرا زي مبودي زي شومبياو ني زافوننتسي جو ني زا سابابيشيوا ني زي هازي نا زينترواجي فامويجا نو موانو ني زيمبودي ايزو.

d- ندو اوبانغا ي زانا مخصوص زا اوسايديا زي لا بتالي بيا نا اوفيها مسعد واكي طبيب وا اوديريكي وانترو ايكا فاطيهيري اووادي.

فصل ياكومي نا نترارو (13)

1- زي داوولا ونا شاما واهي لي كاتيبا لينو نغازيكوباليو يهاكي يا مسومو يا هينا مترو، زي وافيكيانا ي عليمو يكا ي سلاحا يا هاينا موانادامو ياجو وي يا جيكيمو ها اوحيفاظي ي شيو شا هاهي، نا اوفاليكي زايد ي ماستيحي ياهي زي هاكي زاكي بينادمو نو اوهوريا واهاهي.

زيكوبالي و اجاو ي عليمو يروخوصو مترو يا جينغي ياكي مترو وامعانا هاريموا

لي طايفا ياتسنغي أو مترواليانو، أو مويشيليانو نو مبارانو بين ياهي ما طايفا فاتسينا أوتنغووا رنغي، كابيلا، هاو ديني هاو أوترينيا شيونو أو موجا واما طايفا أوفيريلي ي امانى.

2- زي داوولا زا باسيوا ني لي كاتيبا لينو زي وافيكيانا يهاكي اينو يا عيليمو ي تيكليزيهي.

نغيو واجيبو أو مسومو مشندزي أوتسيليفيسيووا، أو هاكي أونترو بيا.

a- أومسومو وا هاري واهي زي اينو زوعونتسي خصوصا ندي ميسومو يا فني ني يا هازي، نغايبيديو يندي نا أوكايا بوري ايلي أوانترو بيا وبا هاتيشي.

b- ومسومو واجو نغي لازيمو أوروخوصو هاينا مترو ياهونتري ي فرصة ياهو أودونغا أولوانا ني زي نتشيدا زا هاهي ني عقيلي وندي نا أوكايا بوري.

c- ومسومو مشندزي نا أوترينيووا جتهادي أوكاني جيرما ها فايدا ياهو وانترو واتسو تميزي ميسومو ياتيسني بيا.

d- ايلازيمو ومسومو أوهيزيووا جو هيميفا يونتسي، فاكي نترازي زا أوسبيديا ها مالي ي مناشيونى أو واروميشي واهي زي ايدارا زا مسومو واتسي بوزيزيووا ني زانا زاهازي.

3- زي داوولا وناشاما وهي لي كاتيبا لينو زيجيتوليا أوستيحي ي زي نافاسي زاهو واندوهوزي واهو وانا واتسو ليفا أو وانا هاو زي ليكولي وندزاو يكا نغا زيتيكليزاو زي شرطي زا هانتسيوا ني داوولا. خصوصا ندو مسومو ي ديني يكا نغواوناو مصلحة.

4- كفاتسي روخوسا يا أورينغا عازيما يجو أوفاسيري ي فصل اينو هاو أوزيبا أو ونافسيا واهي مرايبا ني مازاما يهاو هاو جيميزا مجومبا يا مسومو نا يا أونديسا يكا نغايو هاروموا ي زي نديزا زا هنزيوا ني داوولا.

فصل ياكومي نا ني (14)

هاينا داوولا موانا شاما وهي لي كاتيبا لينو ايكو نكاي جا واهي يا هانتسي او مسومو واننتسني هاريمو درج يتسو يا مالفيو نا اولازيميشيو نغايلازيميو ايبانغي مدرا جوا اوستيحي ي نقطة اينو هاريمو مودا وا مها مييلي. نا اوونيسا ترتيب زا تيمو اوكايا هاريمو بانزا لا ماها ميشاشي ومسومو مشندزي كوجو اولازيميشيو اورودي اوكاي بوري.

فصل ياكومي نا نتسانو (15)

1- زي داوولا زا وافيكي لي كاتيبا لينو زيكوبالي ي هاكي يا هينا مترو

a - يا رينغي فونفو هاريمو ومعيشي واكي تماروني

b- ياهونتراني ني زي فايدا زاهو موندليليو اوسوني واكي سينعسي

c- ياهونتراني ني حيفاظي ياهي زي فايدا زاكي بيندامو نفسيا ني زاكي مالي زالوانا نو مترونغو واكي سايعسي،معزيشي نا وكي صنع واهي ملكي.

2- زي هاتووا زيغو اورينغيشيها ني زي داوولا ونا شاما واهي لي كاتيبا لينو ايلي اوتريا ي هاكي ين يلازيمو زي سيتري بافوني ومسيماميزو ي ميندليليو نو مشاعيشي ي سيانسي نو اوتماروني.

3- زي داوولا زيكوبالي اوستيحي اوونفاسيا واهو متفيتي واكي سيانسي ني زي نانوو زا مترونغو زوننتسي.

4- زي داوولا زي وافيكي زي تتافو زالوانا نو مترينيو نفو اومشيريكيانو نو مبارانو ها دراج ياكوي دنيا هاريمو ي سيانسي نو تماروني.

جزء ياني

فصل ياكومي نا سيت (16)

1- ي زي داوولا،،زيكوبالي اوليها ميجارادا ياهوسو لياكيا لينو لاهي ليكاتيبا ايجودو فينوا زي نغو زا بولوا ايلي اومستيحيلا واهي زي هاكي زا ذكوروضا ني ليكاتيبا لينو.

2- هاما ندي هيلي زواكينيشيو هاريموا لي كاتيبا ي مداراجا يونتسي نغاجو اوفيشيو ي مواندزيشي جيلا واهي جمعية يا مدولا، ايلي يا ايواصيليشي ليرازا لا انكيا نا ماعيشا هاو ايرا ماتسو.

3- اي مواندزيشي جيلا واهي جمعية يا ماداوولا نغو جو فيحا يميچارادا اينو هريمو ي مجومبا يا دونيا يا ميطلع مخصوص هاو بعض يا مجومبا ياهي زي داوولا وناشاما واهي مجومبا يانو ني ما هالا بيا ايلو واجيبو هوليهو نغيزونا اوجوزي وا اوتوندا نا اوطاليا هاينا سؤالا.

4- زي داوولا وناشاما زيهوتاجيا زيدو ايليها ي ميداراجا ها دراج نا دراج، اولوانا نا برنامجي ايجو اوفانيوا ني لي برازا لا انكيا نا ماعيشا هاريمو مودا وا مواحا رانغو يتاريخ ياهو مجبو نزياني ني لاهي ليكاتيبا لينو ها موفيكيانو واهي زي داوولا ني مجومبا مخصوص يا مطالع يا باسيوا.

5- ايمي دراج اينو يو اوجوا اونكوروي زي زنجيري زيليو زيتسو اوروخوصو زي داوولا زا تيكليزا ها اوراجي ي مشرطي ياهي ليكاتيبا.

6- ايكيا يندو مكينيها زيه باري زينو زي جوزيو لي كنغومانو لاهي جمعية يا ماداوولا هاو جومبا مخصوص لا مطالع ني داوولا موانا شاما واهي ليكاتيبا، غيو نغيجو اوتوشا. تسي شرطي زي داوولا وناشاما بيا زيفيشيو اي ميداراجا، يو اوتوشيزا هو اوجوزا زي علاما زا اوروخوسو وانثرو وباريسي ي ميداراجا بيا.

فصل يا كومي نا مفوكاري (17)

1- اي زي داوولا زا وافيكي لي كاتيبا لينو نغازيجو اوفيحا ي ميجارادا يهازو هبافي هبافي ها اودونغا برنامجي ايجو اوهنتسيوا ني شي ايكو شي شو هوليهو ني انكيا نو

معيشي واكي مجتمعا هاريموا مودا وا مواها اولوانا ني تاريخ يا متريلوا نزياني ياهي ليكاتيبا لينو، بعد هو اوزيسا زي داوولا زا وافيكى لي كاتيبا لينو ني ماجومبا مخصوص ياكى داوولا يا مطالع ياجو اوشهوليهيا.

2- ايمي جارادا ايو نغايجو اوجوا اوجوزا ي زي نترونغو زا تريا اوزيرو زا سياسا داوولا ايزو زاتسو شيندا زا ستيجي ها اوتترو يزي واجيبو زا عاداليوا ني ليكاتيبا لينو.

3- ايك ايتسوكا فاهيسا فافيهيلو تعاريفا زا خوسو اومفا وذكورولو فانو هارومو يجمعية يا مادولا هاو جومبا مخصوص لاکى داوولا لا مطالعا لانتسي موناشاما واهي ليكاتيبا، كاينا اوكايا مهيمو يا اورودي تسينا وانترو وا فيهي زي تعاريفا زيلا ويزو. ايساييو هوجوزا زي علاما مشنيدزي زاهي زي تعاريفا زاهيسا زا فيهوا زو اوتوشا.

فصل يا کومي نا ناني (18)

ها موجيبو ياهي جوکومو ياريهوا لي براز لا انکيبا نا ماعيشا ني قانون ياهي جمعية يا ماداوولا اوهوسو ي زي هاكي زاكي بينادامو ني زي هاكي مشيندزي، غيلونا يفرصة يا اوكوبالينا ني مجومبا مخصوص يا مطالعا اومويليهو زينغاو زا باريهانا بعد اوتوندوزي واهي ميواکينيشو ياهي ليكاتيبا ياهيسا ياتريلو نزياني.

ايمي جارادا اينو نغايجو اونييسا ميفانو جمعة زي عازيما ني مهوتاجيو ياکوباليوا ني زي مباوا ني مجومبا ياکى داوولا مخصوص يا ميपालعا اوهوسو اومکاترو شاويري.

فصل ياکومي ناشيندا (19)

يشي ايكو شي شوهوليهاناو ني انکيبا نو معيشي نغاشيجو اوجوا شي ريچيزي ايمي داراجا ياهي زي داوولا هاريمو ابي شي يکاو شي شهوليهاناو ني زي هاكي زاكي بينادامو ايلي شي ايطاليي شي توي ماووني جيمللا هاو ها مضموني يا اوتسو شي جوزا، يکا زي باسا، ايمي دراجا ياهوسو زي هاكي زاكي بينادامو زافيهو ني زي

داوولا، هاو دونغا زي فصل زا كومي نا سبت، كومي نا مفوكاري نا ني ميداراج يا خوسو زي هاكي زاكي بينا دامو زا فيهو ني مجومبا مخصوص ياكي داوولا ها اودونغا اي فصل كومي نا ناني.

فصل عشرين (20)

ايزي داوولا زا كوباليوا لي كاتيبا لينو ني مجومبا مخصوص ياكي داوولا يامطالعا يجو اوتراجيا نغاجو جووا وصيليشا هاريمو شي ايكو شي شو هوليهاناو ني انكيبا نو معيشي، ماووني هوجوموا ي ماهوتاجيو جيلا يا تيكيلازيناو ها اودونغا يفصل ياكومي نا شيندا، هاو هو جوموا هاينا وصيا جيلا اوليو هاريمو مداراجا واهي شي ايكو شي شو هوليشيهاناو ني زي هاكي زاكي بينادامو.

فصل عشرين نوموجا (21)

اي شي ايكو شي شو هوليهاناو ني انكيبا نو معيشي واهو مجتمعا نغاشيجو اوجووا اوفيهي وکاتي حتى وکاتي ميجارادا هو هاريموا لي برازا كو لاهي جمعيا يا مادوولا يجو اوباليا مجيمليسو واهي زي هباري زالوا ني زي هباري اولوانا ني زي داوولا زيني اوتريا مهونو لي كاتيبا لينو ني ماجومبا مخصوص ياكي داوولا يا مطالعا واهي زي هاتوا زا رينغوا ني زينغوا زا بوضا ها اوستيحي زي هاكي جيلا زا كوباليوا هاريمو لي كاتيبا لينو.

فصل عشرين نابيلي (22)

شي ايكو شي شو هوليهانو ني انكيبا نو معيشي واکي موجتمعا نغاشيجو اوجووا اونينيزا ي زيكاو زا سايا زاهي جمعيا يا ماداوولا ني زيكاو زا سايا زاهي جمعيا يا ما دولا ني زيكاو زيفاناو نيزو نا ني ماجومبا مخصوص ياكي داوولا يامطالعا ياجو اوتراجيا ايكو يو اوشهوشو هوليهانو نا مسعادا واکي تڪنيڪي، هاينا سوآلا، يا توکيا هاريموا اي ميجارادا، ياذكوريووا ني لي كاتيبا لينو، ليجو اوسايديا ماكونغومانو مبالي نا مبالي ياتيکيلزي هاينا زيما اووني هاريموا اوومفا واهالو هو جوموا زي عازيما زافامويجا زاكي مادوولا زيجو اوشيندا زي سايدي هو متريو نزياني واکويلي، نغايو ها نغايو، ليکاتيبا لينو.

فصل يا عشرين نا نترارو (23)

-إيزي داوولا زا كوبالي لي كاتيبا لينو زي وافيكى أوكايا مونغوني موي زي فرصة زاكي مادوولا زا أوتسونغيزا أو متريو نزياني يزي هاكي زاكوباليوا هاريموا ليكاتيبا لينو نغافو مكوباليانو ما عازيميو، نا متراجيو، نا مساعدا واكي تكنيكي، نا ميونانو فامويجا ني زي سيريكالي زيتساهاو، ها دراج يا بافو نا ميونانو يايكي تكنيكي يا فليكي مباديليانو فيكيرا نا ميطالعا.

فصل ياعشرين نا نني (24)

كفاتسي فصل ياهي لي كاتيبا لينو ليجو أوجوا أوتفسيريو كينومي ني زي قانون زاهي لي عازيميو مشيندزي لاهي جمعيا يا مادولا نا ني زي شاريعا مشيندزي زاهي ي ماجومبا مخصوص يا طالياو زي ظمانا مبالي نا مبالي زاهي ي ماكنغومانو ياهي ي جمعيا يا ما دولا فامويجا ني ما جومبا مخصوص يا كي داوولا يا شوهوليهانو ني ما سوءالا يا ذكورولو هاريمو لي كاتيبا لينو.

فصل ياعشرين نا نتسانو (25)

كفاتسي فيكيرا ياتوكيا هاريموا لي كاتيبا لينو يجو أوجوا أوتفسيريو ها أونيسا مكاداميزو واهي يهاكي يواجيبو يا هاينا أمتي وا فايديشيهي ها أوروميا فافو نا فافو، تسينا ها أونفاسيا أوتاجيري ني معاديني ياهو أولانغا واهو.

جزء ياتسانو

فصل يا عشرين نا سيت (26)

1- لي كاتيا لينو ليبوليو أومتريو مهونو هالو هاينا داوولا مونا شاما واهي جمعية يا ما دوولا هاو موانا شاما واجومبا مخصوص لاكي داوولا لا مطالعا ليتسوكاو، هاو داوولا ياكوبالي شي إيكاو شا محكما يا ماداولا، هاو داوولا يا لاليكيوا ني لي برازا كوو لاهي جمعية يا مادولا إيلي أوكايا موناشاما واهي ليكاتيبا لينو.

2- ي ليكاتيبا لينو نغي لازيميو لي كوباليوا كيداوولا ني زانا زاهو مكوبالي نغازيجو فيشيووا ي موانزيشي جيمل واهي ي جمعية يا مادوولا.

3- ليكاتيبيا لينو نغاليجو أوبوليو هائنا ناو يا داولا ياذكوروزا هاريمو ليكيفو لا هندا لاهي ي فصل اينو.

4- هو مكوباليوا أوكايا موانا شاما واهي ليكاتيبيا لينو نغوجو باريهانا ها أوفيهها هوتاجيو رسمي هو فونغو إي مونزيشي جيمل واهي جمعية يا مادولا.

5- موانزيشي جيمل واهي جمعية يا مادولا نغوجو جوزا زي داوولا زا سينا أومكاتبا أونو هاو زا أوكوبالي ي ماهوتاجيو يا مكوباليهانو كي رسمي يافيشيو.

فصل يا عشرين نا مفوكاري (27)

1- لي كاتيبيا لينو نغاليجو أونجيا نزياني ميزي ميرارو بعد أوسيكو واهو مبيهو لي هوتاجيو لا مينغو ميرارو نا نتسانو لا أوكايا مواناشاما واهي ليكاتيبيا لينو.

2- أوهوسو هائنا داوولا إيجو أوتريا مهونو كيراسمي ليكاتيبيا لينو هاو إيجو أوليكوبالي بعديا لي هوتاجيو لا مينغو ميرارو نا نتسانو لا أوكايا موانا شاما هاو لا أوكوبالي زي فيكيرا زاهي ليكاتيبيا، ليكاتيبيا لينو نغاليجو أونجيا نزياني ميزي مرارو بعديا أومبيهو لي هوتاجيو رسمي لا هايو لا أوتريا مهونو لي كاتيبيا هاو أوكوبالي زي فيكيرا زاهو.

فصل عشرين نا ناتي (28)

زي ساتوا زاهي لي كاتيبيا لينو نغازيجو أوروميضا فاتسينا مباك، هاو عذري، فولاني ني ميكونتسي مبالي نا مبالي يابنغا زي داوولا زي متسنغانيهو.

فصل عشرين نا شيندا (29)

1- هائنا داوولا يا نجيا هاروموا ليكاتيبيا لينو نغايجو أوجووا يفيهي هوتاجيو لا مباديليشو نترونغو هاو فيها ي منزيشي يا أونيساو ي مباديليهو يا أنزيوايو هو هاهي موانزيشي جيمل واهي جمعية يا مادولا. أوي فاهي نغوجو فيها ليهوتاجيو لينو هاريمو زي داوولا وانا شاما واهي ليكاتيبيا ها أواوزيسا يكايا نغوانزاو فاباروا

شيوارا ني جمعية يا مادولا أوهوسو لي هوتاجيو لا مباديليشو. هاينا ما باديليهو ياكوباليوا نو وينجي واهي زي داوولا وانشاما زا فوتي هاريموا يشيوارا نغا جو ييليشيوالي برازا كو لاهي جمعية يا مادولا ايلي أوتراجيا هومكوباليوا رسمي.

2- ائما باديليهو نغاياجو أوجيا نزياني يكا يكوباليو ني لي برازا كو لا هي ي جمعية يا مادولا ها أودونغا زي شريعة زاه الو ها وينجي وا مفونفو مايلى هرئمو مرارو ياهي زي داوولا وانشاما واهي ليكاتيبا لينو.

3- ائكا ائما باديليهو يانو يانجيا نزياني، يا لازئمو يا باسي يزي داوولا زا كوبالي أوزيفوتي، يزي داوولا زا باكي زي باسيوا ني زي فيكيرا زاهي ليكاتيبا لينو نا ني ما باديليهو يافيرا ائكاو وا ياكوبالي.

فصل مينغو ميرارو (30)

فاتسئنا أوءيوازا يزا هامبو هارئموالي كيفو لا تسانو لا هي فصل يا عشرين نا سئت، ائ موانزئشي جئملا واهي يجمعية يا مادولا نغوجو جوزا زي داوولا زا ذكور وضا هارئمو لي كيفو لا هندا لاهي ي فصل يا فومبولو فانو.

a- نغ و جو جوزا زي داوولا واسئنا ليكاتيبا لينو، فاموئجا ني ما هوتاجيو يا أوكوبالي كئراسئني ني يا أوكوبالي زي فيكيرا ياجو أوفئشئوايو ها أودونغا يفصل يا عشرين نا سئت.

b- نغوجو ترانغازا واجاو أوسئكو وامترئو نزياني ليكاتيبا لينو هاما ندي هالي زا همبوا هارئمو يفصل يا عشرين نا سابا نا نو أوسئكو ئما باديليهو ياجو هواندئسا أورومئضا عاما ندي هالي زا ذكور وضا هارئمو يفصل يا عشرين ناش ئندا.

فصل مينغو ميرارو نا موئجا (31)

1- ليكاتيبا لينو ائكاو لي أندزئهوا كئ شئنوا كئ اسبانيا كئ فرنئسا كئ روسئ ائكاو زئلغة ائزو زونئسي نغئزو شهودا، نغالئجو أوءهوا هرئمو ي مكاتابا بئشئو يا جمعية يا مادولا.

2- إِي موانزِيشي جيملا واهي ي جمعية يا ما دوولا نغوجو فيها كوبي ياهي ليكاتيبا
لينو يا حقيقيشيو سافوزي يا يريي زي داوولا بيا وانا شاما واهي ليكاتيبا لينو.